

# جريدة محاكم

جمعه ايرتسى

نومرو	شعبان	سنه	مايس	سنه	صفحه
۳۴۹	۱۱	۱۳۰۳	۳	۱۳۰۲	۳۵۰۳

\* اشبو غزته بهر هفته جمعه ايرتسى كونلرى چيقار سنه لكى در سعادت ايچون مجيديه  
 \* يكرمى غروش حسابيله التمش غروشدر طشره لر ايچون اون بش غروش پوسته اجرتى ضم اولنور بهر  
 \* نسخه سى ينه مجيديه يكرمى غروش اولمق اوزره يوز پاره يه هر يرد صاتييلور درج اولنه جق اعلانا تى  
 \* هر برندن بر مجيديه اخذ اولنور سنه لکنه مشترى اولمق استيانلر عدليه نظارتى دائره سنده کائن  
 \* جريده محاکم اداره سنه مراجعت ايليدر

## قسم غير رسمى

ابوالق قضاسى بدايت محکمه سى رئيس سابقى على  
 اشرف افندى حقنده اجرا قلنان محاکمه صورت  
 جرياننى ناطق ضبطنامه در

ابوالق قضاسى قائم مقام سابقى امين بکک چار يه سى  
 دنيلان بزم حالک حريته دائر محلى بدايت محکمه سنجه  
 دعوى ومحاکمه سبق ابتدايى حالده باتصنيع يدينه  
 اعلام نظامى اعطا اولمى و برده عدليه نظارت  
 جايله سنک امر مخصوصى حکمنه مخالف اوله رق  
 مستنطق معاونتى ومقاولات محررى افنديلره  
 بلا استيذان رخصت و برلمى و جزاي نقدى

استحصالى ايچون مستنطق طرفندن تنظيم واعطا  
 قلنان قرار نامه نك مساع وسبب قانونيه يه مستند  
 اولمق سز ين شق وتلف ايدلمسى ماده لرندن طولابى  
 ابوالق بدايت محکمه سى رئيسى على اشرف افندى  
 بوندى اول تحت اسنجوابه التمشيدى مارتک اون  
 ايکيسنه مصادف اولان چهارشنبه کونى  
 قره سى بدايت محکمه سى جزا دائره سنده اجراى  
 محاکمه علنيه سنه بدأ نومب اشرت اولمش  
 ومحاکمه صورت جرياننى بروجده آتى ضبط  
 ايدلمشدر

هيئت حاكمة رئيس على رضا واعضا نورى و ابراهيم  
 ومغرديج و على فوزى افنديلر دين مرکب اولوب  
 رئيس هيئت مصه سنک وسط رأسنده واعضا مغرديج  
 و على افنديلر صره سيله رئيسک صاغ جهتنده

و بنه اعضادن نوری و ابراحام افندیلر دخی صره سیله  
 رئیسک صول جانبنده و مدعی عمومی معاونی  
 حیدر بك صاغ طرف اعضاسنک طرفنده کی مفرد  
 صندالیه ده و ضبط کاتبی عزت افندی صول طرف  
 اعضاسنک اتصالیه کی صندالیه ده قاعد اولوب  
 متهم علی اشرف افندی ایله و کیلی طومه اندونیادی  
 افندی هیئت حاکمه نك قارشوسنده طرفین مصه سنک  
 صول جهتنده اوتوردیلر الی التمش قدر سامعین  
 دخی متهم مومی الیهک ارقه سنده و ایاق اوزرنده  
 استماع محاکمه به حاضر ایدیلر  
 رئیس افندی - اسمکزی سن و صنعتکز و محل اقامت  
 و ولادتکز ندر  
 متهم علی اشرف افندی - اسم علی اشرف افندیلر  
 فرق الی یاشنده یم صنعت نیابت و محکمه ریاستی  
 مأموریتلرندن عبارتندر محل اقامت شمیدیکی حالده  
 قره سی بدایت محکمه سی توقیفخانه سی اولوب  
 مولودم دخی درس عبادت و اقامتگاهمه قوسقه  
 جوارنده چو بان چاوش محله سنده درت نومرولی  
 خانه در  
 رئیس افندی - اشرف افندی حقکرده اولان اوراق  
 انهامیه ایله محکمه تمیز اعلامی اوقونه جقدر  
 دقت ایدیکز . وکیل افندی سزده اصول محاکمات  
 جزایه نك ایکوز التمش دردیجی ماده سی موجبجه  
 قانون دائره سنده بیان حال و مدافعه ایدیکز  
 ( ضبط کاتبه ) عزت افندی اعلام و مضبطه  
 و اتهامنامه بی اوقویکز . ضبط کاتبی دخی اولوجهله  
 جهراً قرائت ایلدی

محکمه تمیز اعلامنک خلاصه مالی اشبو اشرف  
 افندیک واقع اولان نقل دعوی استماعی  
 اسباب موجباً قانونیه به مستند اولدیغنک بیانیه  
 ردینه قرار ویرلدیکنندن عبارت بواندیغی و متهمک  
 اولیاده برافاده و اعتراضی اولدیغی اکلاشلدقدن  
 صکره مال اتهامنامه طرف ریاستدن اشرف  
 افندی به بعد التفهیم معاون بکه دعواکزی تشریح  
 ایدیکز دینلدی  
 معاون علی حیدر بك - محتاج تفصیل دکلدکره  
 قوانین موضوعه عدلیه نك تاسیس و نشری حقوق  
 عمومی و شخصیه نك تأمین و محافظه سی و حکام  
 و محاکمک تعیین و تشکیل اودستور عدالتک  
 اجرای احکامیه ارانه اثار محقه سی مقصد خیرینه  
 مبتدیر  
 ایشته کرک علت فائیه تشکی و کرکسه وظائف  
 مودوعه سی نقطه نظرندن باقیلجه محکمه لاله  
 حاکمک نصل بر اهمیت فوق العاده بی حائز اولدقلمی  
 کوریلور حال بویله ایکن ایوالقی بدایت  
 محکمه سی رئیس سابق حاضر بالمجلس اولان علی  
 اشرف افندی اوصاف حاکمیه و هله انک بریسی  
 و بلکه برنجیسی اولان امنیته مخالف حرکتی اختیار  
 ایلشدر  
 شویله که اوقونان اوراق انهامیه ده دخی بیان  
 قلندیغی اوزره امین بکک جاریه سی دنیلان بزم  
 حالک حریتی حقنده دعوی و محاکمه سبقت  
 ایتماش ایکن دیدینه اون یدی تموز اوچبوز تاریخی  
 برقطعه اعلام نظامینک اعطاسیله و متن اعلامده

میرمومی الیه تفهیم اولندی خاتمه سنده ده متفقاً  
 قرار ویرلدی عباره سنک درج و املاسیله کیفیت  
 غیر صحیح بی صحیح یرینه قویمشدر  
 بوندن بشقه اولیاده کی اوامر علیه نظارتیناهی  
 حکمنه مخالف اوله رق مستنطق معاوننک از میره  
 و مقالات محرری افندیکنده در سعادتیه عز یمتله  
 بلاستیدان رخصت و یرمشدر  
 و برده بخبر اوالقی نیقولای صالت و تیقولای بابو جاکیدن  
 جزای نقدی استحصالیه دائر مستنطق طرفندن  
 و یریلان قرار نامه بی دخی بلاسبب قانونی برتوب تلف  
 ایتشدر مومی الیهک مرتکب اولدیغی افعال منوعه  
 مسروده ابتدا کندوسنک اقراری ثانیاً مخبر  
 ایقونومیدی افندیکنک اخباری ثالثاً محکمه به ابراز  
 و اعطا قلنان بیانات تحریریه دلالتیه درجه  
 تحققه کلش و بوباده کی شاهد پوصله سیده  
 و یرمشدر  
 ایوالقی بدایت محکمه سی کاتب سابق بورغاک  
 ایقونومیدی افندی اسمنی حاوی اولان اشبو  
 شاهد پوصله سی ضبط کاتبی طرفندن جهراً قرائت  
 اولندی  
 رئیس افندی - علی اشرف افندی به خطاباً قائم مقام  
 امین بکک جاریه سی دنیلان بزم حالک حریتنه دائر  
 نصل اعلام و یردیکنز  
 علی اشرف افندی - قائم مقام امین بکک جاریه سی  
 بزم حالک برکون خانمه کلوب اون ایکی سنه در  
 امین بکک خدمتنده بولتمده ایکن بوکره بنی صاتمق  
 ایستبور ازاد ایتسون دیدی قائم مقام دخی کلهرک

برلکده مزبوره بی الوب کتوردی برقاچ کون  
 صکره جاریه و قائم مقام دخی کلهرک برلکده  
 مزبوره به نصیحت اولندیغی صره ده قائم مقام بک  
 سنی ازاد ایتدم حرمتک صاتم دیو تکرار الی  
 کتوردی ایشته حضور حاکمه اقرار ایتدیکنندن  
 عتقنه دائر اعلام شرعی و یرلدیکی کبی مزبوره  
 امین اولیه رق سزلندیغنده برتبه نامه یازلسنی  
 ایقونومید افندی به سوتلش ایدم  
 رئیس افندی - بوباده کی اعلام نظامی بی  
 اوقومسنی ضبط کاتبه امر ایتسنی اوزرینه جهراً  
 اوقوندی  
 اعلام مذکورک خلاصه مالی مزبوره نك مراجعتی  
 اوزرینه اسرانتک منع فروختی حقنده کی اوامر  
 سینه به توفیقاً کندوسنک اجرای عتقی میرمومی  
 الیه تفهیم اولندوقده جاریه سی اولوب فروخت  
 ایده جکنی اعترافله اعتناقدن استکاف ایتلسنه مینی  
 مزبوره نك منع فروختیه قانون اساسینک طقوزنجی  
 و اوننجی بندلری موجبجه حریت شخصیه سنک  
 تصدیقنه متفقاً قرار ویرلدیکنندن عبارت و اون  
 یدی تموز سنه ۱۳۰۰ تاریخجه مورخ اولدیغی  
 اکلاشلدی  
 رئیس افندی - علی اشرف افندی بوکا ندر سکر  
 اوقونان اعلام نظامی سزک تبیه نامه دیدیکزه  
 بکره میور کندی معلومات و امضا کز  
 تحتنده میدر  
 علی اشرف افندی - احتمالکه امضاسی بنم اولسون  
 انجق او ایقونومیدی افندی به بو یولده یازلسنی

سو یندم کندوسی بویه یازمش و برمشغولیت  
 وغالیه اره سند، امضا ایتمدر و عتق کیتی صرف  
 حقوق شرعیه و حقوق شخصیه دن بولندعدن  
 اعلام نظامی ویرلمدیکی بیان اولمشیدی و بو جهته  
 بر اعلام نظامی دخی طبیعی ویرله مز و ویرلمک  
 رخی ایجاب ایتمز قائم مقام امین بکک چاره سندن  
 دعواسی واریسه بونک مرجعی باب فتوا خانه ده  
 مجلس تدقیقات شرعیه در حصوصیله بونده برسوه  
 مقصدی بوقدر  
 رئیس افندی - مستنطق طرفندن ویریلان  
 جزای نقدی قرار نامه سنک برتلسنه نه جواب  
 ویرییورسکز  
 اشرف افندی - مختار انتخابی صره سنده نیقولا کی  
 بابوچاکی و نیقولا کی صالحه انتخاب ورقه سنی برتمش  
 دنیلهرک مظنون علیه اولدق قری حالده مستنطق طرفندن  
 مخبر دنیلوب ایکیشیر لیرا جزای نقدی حکم ایلدشدر  
 و بوده بولسزدر دیو برطاق کیمسه لر بلدیده  
 اوتورر ایکن بکا سو و یلدیلر ابوالغک احوال  
 محلیه سنه نظراً بر فئالق ظهورندن قورقدیغیم جهته  
 قرار نامه ننگ بولندیغی ضبطیه ضابطنی یاتمه ایستدم  
 ایشته کورلتی و فئالغه سبب اولماق ایچون  
 او یله برشی یاپدم کی خاطریمه کلپور ایسه ده  
 کیفیت و تفصیلاتنی شمعی در خاطر ایدم ماکده ایم  
 رئیس افندی - مستنطق معاونی ایله مقاولات محررینه  
 بالاسه تیدان امر استیصال اولتمسزین نصورتله  
 رخصت ویرلدی  
 اشرف افندی - مستنطق معاونی ایله مقاولات

محرری تاهل ایتک ایچون رخصت استبدیلر  
 برلرینه عزت افندی بی وکیل کوسه تره رک برهفته یه  
 قدر کلورز دیدیلر استیدان ایدیلور ایسه  
 تزجوابی کلزده وقت پکر دیو اصرار ایلدیلر  
 کوسه تردکاری سبب ایسه اسباب مشروعه دن  
 کورلدیکنه مینی اوله جزئی مدته مساعدده  
 اولمشیدی  
 رئیس افندی - وقتک عدم مساعدده سی و مخبر  
 ایقونومیدی افندی ننگ هنوز کلامش اولمی حسبله  
 محاکمه بومرکزده برافیله رق ختامی وقت آخره  
 تعایق قلندیغنی تفهیم ایدرک طرفین و حضار  
 طشریه چیقدی  
 جاذی الاخره ننگ یکر می ساکننجی جمعه ابرتمی  
 کونی ایقونومیدی افندی کاش اولغله رئیس علی  
 رضا افندی ایله اعضا نوری و اعضا ملازمی علی  
 فوزی و اعضا ابراحام و مغردیج افندی لر دن مرکب  
 اولان هیئت حاکمه برلرینه قاعد و مدعی عمومی  
 معاونی علی حیدر بک موجود اولدیغنی حالده  
 مظنون علیه علی اشرف افندی توقیفخانه دن  
 کتور یلوب وکیل طومه افندی ازیره عزیمت  
 ایتدیکی جهته لرینه محکمه جهه وکیل تعیین  
 و مظنون علیه جهه قبول اولنان دعوی وکیل لرندن  
 اوخانس افندی ایله برانکده حضور محکمه یه جلب  
 اولندیلر  
 رئیس افندی - (مدعی عمومی بکه) محاکمه  
 ایقونومیدی افندی ننگ کلمسه تعایق اولمشیدی شمعی  
 ایقونومیدی افندی بوراده موجوددر

علی حیدر بک - مخبرک استماعیله محاکمه ننگ دوام  
 و جریاتی طلب اولنور  
 رئیس افندی - علی اشرف افندی به چکنی محاکمه ننگ  
 ضبطی او قونه جقدر دیکلیکز (ضبط کاتبه)  
 عزت افندی چکنی محاکمه ننگ ضبطنی او قویکز  
 دیدی ضبط کاتبی دخی قرائت ایتدی  
 رئیس افندی - علی اشرف افندی به خطاباً ضبط  
 او قوندی کورک افاده لر یکزده و کرک صورت  
 جریان محاکمه ننگ ضبط و درجنده برکونه یا کشلق  
 وارمیدر  
 علی اشرف افندی - تمامها ضبط اولمشدر جوابنی  
 و بردی معاون بکده اول مرکزده دیه چکی  
 اولدیغنی سو یلدی  
 رئیس افندی - خدمه یه خطاباً ایقونومیدی  
 افندی بی چاغر یکز ایقونومیدی افندی محکمه یه  
 کلدی و رئیسک اشارتی اوزرینه شاهد صدایه سنه  
 اوتوردی  
 رئیس افندی - اسمکز ایقونومیدی افندی دکلی؟  
 ایقونومیدی اوت افندم - رئیس قاج یاشنده سکز  
 ایقونومیدی اوتوز بش اولمی - رئیس اقامتکاه کز  
 ایقونومیدی افندی ایوالق قصبه سنک اینی یانی  
 محله سی رئیس - مأموریتکز ایقونومیدی افندی  
 ایوالق بدایت محکمه سی اعضا سندنم  
 رئیس افندی - حاضر بالمجلس اولان ایوالق  
 بدایت محکمه سی رئیس سابق علی اشرف افندی ننگ  
 دعوا و محاکمه سبق ایتدی دنیلان قضاء مذکور  
 قائم مقامی امین بک چاره سنک عتفه دائر ساخته

اعلام نظامی تنظیم ایلمسنه معلوماتکز وار ایش  
 فقط بونی بیان ایتزدن اول قانون سنه بریمین تکلیف  
 ایدیلور  
 ایقونومیدی افندی - ایدرم رسم تحلیف اجرا  
 اولندی  
 رئیس افندی - شهادتک نه ایسه سو یله ده  
 دکلمه لم  
 او یقونومیدی افندی - ایوالق بدایت محکمه سی  
 رئیس سابق علی اشرف افندی برکون خانه سندن  
 محکمه او طه سنه حدتله کلدی جیبندن برکاغد  
 چیقاره رق بن سو یلیه یمن یاز دیمسیله قلمی الیه  
 الدم امین بکک چاره یه سی دنیلان بزم حالت حریتی  
 حقتده برقطعه اعلام نظامی یازدیردی و بونی دفتره  
 قید ایدیکز اعضا افندی لرده مهرلدیکز دیو امر  
 و برمسبله بونک خلاف واقع و محکمه اعضا لرینک  
 دخی طبیعی راضی اوله میه جق قری کی بونک مسؤلیتی  
 عظیم برمسؤلیت اولدیغنی علی اشرف افندی به  
 اخطار ایلدی بکده بوکا جواباً علی اشرف افندی  
 قائم مقام بر جزا و برمیورم انجق چاره بی اسارتدن  
 قورترمق ایستییورم و بو چاره قائم مقام خانه سندن  
 فرار ایدرک بنم خانمه التجا ایلدی کندن بردها  
 قائم مقام خانه سنه کوندر میورم قائم مقام امین  
 بک چاره بی ضرب ایتدی کینده بکا اقرار ایتدی  
 دیمسیله کندوسیده مظنون علیه علی اشرف  
 افندی بی بوایشن صرف نظر ایتدی مرک مقصدیله  
 مدعی عمومی معاون کندن استیدان ایدلم حقیقه  
 قائم مقام امین بک چاره سنی ضرب ایش ایسه

محاکمه سنی بالاجرا جزای قانونی و برهلم دیدیکمه علی اشرف افندینک بوسوزمه موافقت ایتمیله قره سی مدعی عمومی معاونلکنندن استیدان ایتدک فقط جواب کلوب کلدیکنی بیلم اره دن بریحق آی مرور ایتدکن صکره ایوالق عسا کر شاهانه یوز باشیرندن عثمان اغا برقهوه خانه ده بو اعلامک غیر مصدق بر صورتی النده اولدینی حالدی حاکم افندی اسارتدن قور تدیغی جار بهنگ نکاحنه اذن و برمیور دیه رک اوتیه برویه کوسه ترمکده اولدینی کوردم بونک اوزرینه قائم مقامه مراجعت ایله شفاهاً اخبار کیفیت ایلدیکمه قائم مقام امین بک بنم معلوماتم وارد فقط سنزک و اعضال یکزک دفتره بویولده بر اعلام مهردیکزه معلوماتکز واری بوقی دیو صور دیغنده یوقدر جوابنی و یردم محکمه اعضا رینی دخی جلب ایله استفسار کیفیت ایلدی و بر قاج کون مرورندن صکره قائم مقام بنی چاغردوب کندو یازوسیه محرر بو اعلامک غیر مصدق بر صورتنی کوسه ترمسیله اعلامک صورتنی ایقویه رق پوسته ایله بر ظرف ایچنده و بر اخبار نامه ایله معاً قره سی مدعی عمومی معاونلکننه ارسال و مفتش افندینک ابوالغه تشریف ایتدکلرنده مومی الیه دخی اخبار کیفیت ایتدم . علی اشرف افندینک احوالندن سؤال ایتمیله بر اعلامک کیفیتنده عرض و افاده ایلدم رئیس افندی - علی اشرف افندی به شاهد ایقونومیدی افندینک شهادتنی ایشیدیکز بونک

شهادتنه برمدافعه کز وارمیدر علی اشرف افندی - محکمه یه اویله حدتله کلام و جبدن برشی دخی چیقاردم قائم مقام امین بکک جار یه سی ایچون حر در ازاد لیدر دیه حضور حاکم الشرعه اقرار و اعترافی اوزرینه جار یه بی اقتناع ایچون و جار یهنگ ینه کیدوب افندی سنک خانه سنده اوتوروب انجق نظاماً صائلمی لازم کلیه جکینه دائر طرف شرعدن بر تنبیه نامه یازلمسی امر و یردم فقط متن اعلامه میر مومی الیه تفهیم و خاتمه سنده دخی متفقاً قرار و یرلدی عبار لر ینک یازلمسی حقنده بر امر و یردم رئیس افندی - ایقونومیدی افندینک سزه بری عرض و نفسانیتی وارمیدر علی اشرف افندی - عرض و نفسانیتی اولوب اولدینی بیلم علی حیدر بک - و یریلان اعلام نظامی بردفعه ایقونومیدی افندینک حضورنده قرائت اولنسون علی اشرف افندینک کندوسنه یازدیرمش اولدینی اعلام بو اعلام اولوب اولدینی اکلشلسون رئیس افندی - ضبط کاتبه عزت افندی اعلام نظامینک مصدق صورتنی اوقویکز ضبط کاتبی جهراً قرائت ایلدی رئیس افندی - ایقونومیدی افندی به متهم علی اشرف افندینک یازدیرمش اولدینی اعلام صورتنی شمعی قرائت اولنان اعلامیدر ایقونومیدی افندی - اوت افندم علی اشرف

افندینک یازدیرمش اولدینی اعلام شمعی قرائت ایلدیلان اعلامدر رئیس افندی - علی اشرف افندی به باق بر کره بورغاک ایقونومیدی افندی به یازدیرمش اولدینک اعلام شمعی قرائت ایلدیلان اعلام ایدوی دخی ایقونومیدی افندی طرفندن تصدیق ایلمکده در یو یابده بر دیه جککز وارمیدر علی اشرف افندی - مدافعه سابقه سنی تکرار ایتدی علی حیدر بک بونلردن بشقه علی اشرف افندینک یو یابده مقامزه یازمش اولدینی تحریرات جوابیه صورتی دخی موجود اولیدر دئیس افندی - ضبط کاتبه خطاباً مدعی عمومیلک مقامنه یازیلان تحریراتی اوقویکز ضبط کاتبی مذکور تحریراتی قرائت ایتدکده فذلکله مندرجاتی امین بکک جار یه سی بزم حال بنت عبده نام خاتون محکمه بدایته بالمراجعه میر مومی الیه دن کورمکده اولدینی معامله عنف و شدندن و بو کره اسیر اولق اوزره فروخت اوئنه جفندن بمثله حریت شخصیه سنک اعتراف و تصدیقیله ذکر اولنان ظلم و غدردن تخلیصنی استدعا الیش کیفیت مذکوره مومی الیه دن لدی الاستفسار شکایت واقعه بی تصدیقاً مزبوره بی اعتقادن استنکاف ایلمکده اولدینی بیان و اسارتک لغوی و اسرا نک بیع و شرامنک ممنوعیت قویه سی حقنده اولان اوامر سنییه و قانون اساسینک طقوز و اونجی ماده لر ای حکامنه نظراً مزبورهنگ منع فروختیه حریت شخصیه سنک تصدیق

و بو یابده ایجاب ایدن مضبطهنگ مزبورهنگ یدینه اعطاسی مجملجه در دست مذاکره ایسه ده خصوص مذکورک حقوق عمومیه به تعلقنه مینی مقام ولایتک مداخله سی دخی اصول و نظامی اقتضاسندن بولمش اولغله بوجهجه نه وجهله معامله اولتیق لازم کله جکی استیدانندن عبارت و فی ۱۷ تموز سنه ۱۳۰۰ تاریخیه مورخ اولدینی کورلدی معاون بک - رئیس افندی بونک ایچون برده اعلام شمعی و یرلش انده شاهد کوسه تریلان ایوالق رسومات مدیری عبد المؤمن و اعشا ماموری شاکر بکک جوابنامه سی وار اعلام شمعی ایله اوده اوقونسون رئیس افندی - ( ضبط کاتبه ) عزت افندی رسومات مدیری عبد المؤمن و اعشا ماموری شاکر افندی طرفلرندن مفتش بک افندی به خطاباً یازیلان جوابنامه بی اوقویکز ضبط کاتبی فی ۱۲ مایس سنه ۳۰۱ تاریخیلی عبد المؤمن مهریله مهور جوابنامه بی جهراً قرائت ایتدکده . قائم مقام امین بکک جار یه سی فرار ایله حاکم افندینک خانه سنده بولندیغنی بالیبان مزبوره بی قاندروب المتی اوزره برلکده حاکم افندینک خانه سنه کتمکلکنی التماس ایتمیله مومی الیه شاکر بک دخی برابر اولدینی حالدی کیدیلوب قائم مقام بک مزبوره به سن بزم اولادمز مقامنده سن دیه رک قاندروب المتی استمیله بردها دوکیه جکار بنی و اویله برشی اولدینی حالدی هر قنبلرینه

مراجعت ایدر ایسه قبول اولنه جغنی مزبوره  
تفهیم وتبلیغ ایدرک حاکم افندیك خانه سنده  
بولنان قترینه اسنده برخرستیان قاریسینه ترفیقاً  
قائم مقام مومی الیهك خانه سنده کوندر دکار بنی  
ومعلوماتی بوندن عبارت اولدیغی وشاکر بکک  
معلوماتی دخی بومر کرده ایدوکی اکلشلدی

رئیس افندی - علی اشرف افندی عبد المؤمن  
وشاکر بکک یازمش اولدیغی جوابنامه بنی  
ایشتدیکنز یا قائم مقام امین بکک جاریه سینه سن  
حرسک ازاد ایتدم دیدیکنه عدم معلومات بیان  
ایدیورل ندرسکز

علی اشرف افندی - عبد المؤمن وشاکر بکک  
قائم مقام اقرار بنی انوش اولمیلر بنده کزک مضبوطمدر  
(اعلام شرعی)

امین بکک مجلس شرعی لازم التوقیرده  
کندویه رقتی معترفه اولان بزم حال  
بنت عبده تام جاریه محضرنده اقرار تام وتقریر  
کلام ایدوب اشبو جاریه مملوک اولان موصوفه  
مزبوره بزم حال حسبنه اه تعالی جمع مالیدن تحریر  
واعتساق وقیدرقتیدن اخراج واطلاق وحرار  
اصلیات زمره سنه الحاق ایدم فیما بعد موصوفه  
مزبوره بزم حال سائر حرار اصلیات کبی حره  
اولوب اوزرنده حق ولا شرعیه دن غیری علاقم  
قلمدی دیدی غید التصدیق الشرع موقوفه بالطلب  
کتب واملال واجل السنه مزبوره بزم حال دیدنه  
اعطا اولندی فی اواسط الشوال المکرم سنه احدی  
وثلته والف

زیرنده کی شهودک اساییسی - رسومات مدیری  
عبد المؤمن بکک اعشار مأموری شاکر بکک

معاون بکک طلبیه برده ابوالق بدایت محکمه سی  
اعضاسنک اعلام نظامی تنظیمدن معلوماتری  
اولدیغنه دائر یازمش اولدقیزی جوابنامه صورت  
مصدقه سی قرائت ایدلکده بزم حال بنت عبده  
نام خاتون طرفندن محکمه به برکونه دعوا سبقت  
ایتدیکی کبی قائم مقام امین بکک دخی بوماده دن  
طولابی محکمه به دعوت ایله استجواب اولدیغی  
منفهم اولدی

علی حیدر بکک - مستنطق طرفندن و بریلوب شق  
ایدیلان قرار نامدنک میان اوراقده مصدق صورتی  
وارد

رئیس افندی - (ضبط کاتبه) عزت افندی شق  
ایدیلان مستنطق قرار نامه سنک صورتی قرائت  
ایدیکز . ضبط کاتبی قرار نامه بنی جهراً قرائت  
ایتدکده خلاصه مآلی ابوالق قصبه سنک نفسیاریهی  
محله سندن نیقولاسکی بابوجاسکی و نیقولاسکی صالحه  
مخبر صفتیه جلب ایدیلوب قانون دائره سنده  
استماع اولتی اوزره اسم وشهرتلی سؤال اولندوقده  
کندولرینک مختار بولندیغندن واستنطاقلرینک اجراسی  
تقریق مجلسنه عائد ایدو کندن بختله جواب و بره میه  
جککری بنی صورت قطعیه ده سرد و اتیان ایتمش  
اولدقندن مدعی عمومی معاون لکی و کالتی استماع  
اولندوقدن صکره اصول محاکمه جزاییه قانون موقنتک  
یتمش بشجعی ماده سنه توفیقاً استیناف اولتماق و بشقه  
معاملاته حاجت قالماق اوزره مرقوم نیقولاسکی  
صالحه و نیقولاسکی بابوجا کیدن جزای نقدی اوله رق  
ایکیشر عثمانلی التونی تحصیلیه مال صندوقه

تسلیمه قرار و یرلش اولدیغی اکلشلدی  
رئیس افندی - معاون علی حیدر بکک توجهله  
محاکمه جه اجرا قلمنان تدقیقات بوندن عبارتدر  
دیدی

علی حیدر بکک - تفصیلاتی اثباتی تشریح دعواده  
عرض و بیان قلمدیغی اوزره متهم علی اشرف افندیك  
ارتکاب واجرا ایتمش بولندیغی افعال ثلاثه منوعه  
اقرار و اخبارله و ینبات تحریریه ایله عندالمحاکه  
دخی درجه تینه کلدیکندن اول امرده مجرمیتنه  
قرار و یرلسنی طلب و ادعا ایدرم دیدی بونک  
اوزرینه علی اشرف افندی برمدافعه ورقه سی  
قرائت ایدوب فذلکده مآلی اولاساخته اوله رق  
تنظیم اولنسی ایجاب ایدن بر اعلام اولدیغی وماده  
قانونیه ده تعریف اولنان حیلله وساخته کارلنک  
اصلاً وجودی بولندیغی ثانیاً اعلام مذکورک  
تنظیمی مأموریتی بخشه کلنجه قانون جزاده  
کوسترادیکی وجهله بومثللو احوالده برفاعل  
مجازات قانونیه بنی استلزام ایتک ایچون بالخاصه  
ساخته اوله رق تنظیم ایده جکی اورا فک تنظیمه  
مأموری اولق شرط اولدیغی و بدایت محکمه لرنده  
صدور ایده جک اعلاماتک محکمه جه طوتیله جق  
ضبط ورقه سی اوزرینه تنظیمی و هر بر معاملات  
تحریریه سنی اجرا و قیودات و سائر به تطبیق  
ایتک وظائفی رئیس لره محول کورلیوب محکمه  
باش وضبط کاتبینک وظائف اصلیه لری چله سندن  
ایدوکی وایشته شاهد دنیلان محکمه باش کانبک  
کندی فعلندن متولد مسؤلیتی شخص آخره

عطف متصدیه واقع اولان شهادتی معتبر اولدیغی  
و بوایش صرف محکمه شرعیه به طائد مواددن  
معدود اولوب محکمه شرعیه نک اعلامی دخی  
صدور ایتمش اولدیغندن اضرار قصدیه بر فعلک  
ترویجی یوانده برکونه محاکمه و مجرد اعلام  
نظامینک وجودینه ذات مصلحه لزوم اولوب  
ورقه مذکورنک حیلله کارقله ساخته اوله رق  
تنظیم ایدلیکی میدانده اولدیغی و بوایشه  
متضرر اولان شخصک دخی اصولاً ادعا و بویه  
برایشدن اضرار ایدلیکی تین ایتیمی لزومی  
کک اصول محاکمات حقوقیه قانوننک الی التجبی  
ماده سی و کک اصول محاکمات جزاییه قانوننک  
فصل رابعنده کوستریلان ساخته لکه دائر  
دعوالر حقنده کی مواددک جمله مندرجانندن  
اکلشیلوب ورقه مذکوره ایسه اصول وقاعده سی  
اوزره برمدعی شخصی طرفندن ادعا وقوعیله  
محکمه به ابراز اولنوبده ساخته لکی وایشده  
اضرار قصدی تین ایتدیکی و قرار نامه نک شق  
ایدلیکی بخشه کلنجه قرار نامه دنیلان شی مستنطق  
طرفندن لدی الاستنطاق حبس و توقیف کبی قراری  
حاوی اولوب محلات مختاراننک انتخابی اتاسنده  
شمتاه و کورلتی احداثیه هنوز معامله استنطاقیه لری  
اجرا اولنمیان بابوجاسکی و نیقولاسکی نام کسنه لک  
مخبر صفتیه لاجل الاستجواب دعوت واقعیه  
عدم اجابتلرینه مبنی کسندیلرندن یالکز بر  
وایکیشر لیرا جزای نقدینک تحصیلنه دائر تنظیم  
اولمش عادی برورقده دن و بونک حکمی ایسه

انجق حزای تقدینک کندولرندن اخذ ایله تسلیم  
صندوق ایتدیرلسندن عبارت بولنهرق یوخسه  
حبس واولصورته توقفلرینه مساع قانونی  
کور یله مدیکندن بوتقدیرجه ذکر اولنان مستنطق  
ورقه سنه قرارنامه اطلاق اولنه میه جغی ولوکه  
دنلسه بیله محافظه سنک کندوسنه عایدینه مبنی  
تلف ایلمی بر اخذ وسرقت صورتده واقع  
اولمدیغی مدافعایله استرحام برائتی ناطق و محتوی  
ایدی

(وکیل اوخانس افندی) موکلم علی اشرف  
افندینک سرد ایلدیکی مدافعه سندن بشقه بر دیه حکم  
اولیوب یالکز شفاها شوراسنی عرض ایدر مکه  
برنجیسی مخبر دنیلان ایقونومیدی افندینک اخباری  
خبر واحددر و باخصوص مذکور ورقه یی کندو  
یازمش اولسبیله برکسه نک کنندی فعلنه شهادتی  
مجله جلیله احکامجه مقبول و معتبر دکدر برده  
موکلم علی اشرف افندی اعلام شرعی تسویدی  
امر ایتمش ایکن ایقونومیدی افندی اعلام نظامی  
تنظیمی امر ایندی دیو ادما ایدیورسه ده بوبابده  
میانه لرنده ماینت اولوب ایقونومیدی افندینک  
ادعاسنی اثبات و تصدیق ایدر هیچ براماره و خبر  
ودلیل یوقدر ایکنجیسی امضا جهته کلجه  
علی اشرف افندینک بر مشغولیتی اره سنده سائر  
اوراق میاننده و کاتب مومی البهه اولان امنیت  
طبیعه و قانونیه سنه مبنی امضا ایتمش اولمدیر  
بولندن ایسه صحیح اولیان رشیدی صحیح رینه  
قویدیغی استدلال اولنه من علی الخصوص دنیا

یوزنده کی بالمله انصانلر حر اولوب ذاتاً شوکتیاب  
افندیز دخی قانون اساسیلرنده حریتی یکی باشند  
تصدیق و اعلان بیورمشلدرکه موکلم موجب  
انهای اولان جار به مسئله سی دخی او یله بر حرته  
دائر بولندیغی حالده هم قانونک و همده انسانیته  
ارزوسنه موافق کوریلان شوحرکتی بادی مسؤلیت  
اوله میه جغی درکاردر بناء علیه برائتی محکمه  
علیه لرینک عدالتندن استرحام ایلم

معاون بک علی اشرف افندی علیه کنده کی دعوانک  
نوعی ایکیدر بونک بریسی جنسایت دیکریده  
جنجه در اشبوهرایکی دعوی مرجع مخصوصنک  
امر یله حقوق عمومیه نامه اقامه قلندیغندن بوبابده  
شخصی بر متضرر و مدعی ارانلق لازم کلز و برده  
ایقونومیدی افندینک فرض ایدیلان مدخلی  
صحیح اولسه بیله اشرف افندینک برائتی استلزام  
ایده منر اشته امین بکک جار به سی دنیلان بزم حالک  
حریتنه دائر محکمه نظامیه ده برکونادعوی  
ومحاکمه سبق ایتدیکی حالده او یله بر اعلام و برلمی  
وبوایشک دردست رؤیت بولندیغی بیانیله  
مقامزنده استفسار معامله اولنسی کیفیت غیر  
صحیح بی صحیح برینه قویق دیمکدر متهمجه  
تحقیقات و محاکمه ده بوکابر تنبیه نامه نامی ویرلمشدی  
حالبوکه تنبیه نامه اولمدیغی متفنده میر مومی البهه  
تفهیم اولندیغی و خاتم سنده ده متفقاً قرار ویرلدیکی  
تعبیراتک درج واستعلام قلنسی وزیرینه محکمه  
نظامیه یه حائد مهر کبیرک وضعیله کنندی طرفندن  
امضا ایلمی وشو تعبیراتک محاکمه صورت استهمالی  
دلالتیه معلومدر مابعدی وار

(محکمه تغییر حقوق دائره سی)

عقار و اراضی به متعلق دعاوینک اثنای محاکمه سنده  
اراضی مأمورینک حاضر بولندیرلماسی و اراضی  
منازع فیهاده قنغی طرفک واضع الید اولدیغنک  
بالینه اثبات ایتدیرلماسی نقض حکمی موجب اولور

( خلاصه اعلام )

نفس قونیه ده مقیم حاجینک اسماعیل افندی خدمت  
عسکریده مستخدم بولندیغی حالده قرق بش  
تاریخ سنده وفات ایدن دایمیسی عبدالرحماندن  
والده سنه وانک دخی درت سنه مقدم وقایله  
ارثا کندوسنه انتقال ایدن ایکیوز الی غروش  
قیمتی بر عدد نحاس سینی ایله علی بک هیوکی  
قریه سنده واقع معلوم الحدود اون طقوز دوئم  
مقداری والتی بیک غروش قیمتلی بر قطعه ترلابی  
مومی الیه حافظ علی افندی متوفای مرقومک  
اقرباسندن اولوق و متوفانک اولوقت حیات و مماتی  
مجهول بولنلق حسبیله املاکنه قبل شرعیدن  
قیم نصب اوتعین اولنمش اولسی سررشته سیله  
فضولی ضبط ایدرک طرفنه تسلیم واعطاده مخالفت  
ایتمکده بولندیغندن بحثله مذکور ترلا وسینک  
کندوسنه تسلیم ایتدیرلمسنی طلب ودعوی وبری  
مسندعی مرقومک قیم تعیین ایدلدیکنه و دیکری  
دخی مرقوم عبدالرحمانک ثبوت وفاتنه مبنی  
قیم مومی البهک تحت اداره سنده بولنان املاکن

قونیه خارجنده بقا نام محملده واقع معلوم الحدود  
ترلابی فضولی اولهرق آخره فروخت ایتمش  
اولدیغی تحقق ایتدیکندن مبیعک مدعی مرقوم  
اسماعیل افندی بهرد و تسلیمی و مشتری بک بدلی ایچون  
بایع مرقومه مراجعتی لزومی حاوی اولهرق ایکی  
قطعه بخت شرعیه ابراز واعطا ایتمش اولسنه  
قارشو مومی الیه حافظ علی افندی وکیلی دخی  
اراضی منازع فیها موکلمک اجدادندن موروث  
ملکی اولدیغی و کندوسنک غائب مرقومه قیم تعیین  
اولندیغی کبی مذکور بختلر دخی اعتماده شایان  
بولندیغی مدافعه بیان و تذکار ایله بر قطعه دفتر  
خاقانی علم و خبری ابراز ایتمی اوزرینه اجرا  
قلنان محاکمه و تدقیقات نتیجه سنده طرفینک  
افادات واقعه لریله مذکور بختلر مألرندن مستبان  
اولدیغی اوزره غائب مرقوم عبدالرحمانک تاریخ  
مذکورده مسالک عسکریده مستخدم ایکن وفات  
ایتدیکی و منازع فیه ترلانک دخی قیوم بولنسی  
حسبیله مدعی علیه حافظ علی افندی به اعاده و تسلیم  
قلندیغی اکلاشلسنه و اراضی قانونیه سی احکامجه  
اعاره ایله سبق ایدن تصرفه اعتبار اولنیه جغی مثللو  
قانوننامه مذکورک ایتمش او چنجی ماده سنده دخی  
بالفعل وبالذات دیار آخرده بولنان عساکر شاهانه  
عهده لرنده کی اراضی کرک مستأجر و مستعیر بدلرنده  
بولنسون و کرک علی حاله ترک و تعطیل اولنسون  
موتلری تین ایتدیکجه مستحق طابو اوله میوب  
شاید آخره ویرلمش ایسه عساکر شاهانه  
افرادینک عودت لرنده اراضیلرینی هرکیمک بدنده


بواورلر ایسه الورلر دیو محرر بولمسنه بناءً  
قانوننامه مذکور احکامنه توفیقاً سبق ایدن  
تصرفه اعتبار ایدلیه رک مذکور ترلاک مزبور  
حاجینک اسماعیل افندی به تسلیم ایدلمسنه دائر  
قونیه بدایت محکمه سندن و بریلان فی ۳  
ربیع الاول سنه ۳۰۱ تاریخلی اعلامک تمیزاً  
رؤیت و تدقیق خفاف حافظ علی افندی طرفندن  
استمدعا اولنمی اوزرینه طرفین بالاستجواب  
وباش مدعی عمومیک معاوئرندن بورغاک افندی  
بالاستماع اعلام مذکور اسباب آتیه به مبنی محکمه  
تمیز حقوق دائره سی جانبندن نقض ایدلشد

( فقره حکمیہ )

ایجابی لدی المذاکره اول امرده مستدعی وکیلی  
جانبندن دعوا و واقعه نک رؤیت و فصلی محاکم  
نظامیه نک وظیفه سندن خارج و محکمه شرعیه به  
عائد اولدیغی حقنده درمیان اولنان اعتراض  
بالتدقیق غیر وارد کورینه رک رد ایدلکدن صکره  
اساس ماده نک تدقیقه کریشلکده تمیزی طلب  
اولنان قونیه بدایت محکمه سی اعلامک نتیجه مقادی  
منازع فیہ ترلانک مومی ایله حافظ علی افندی  
عهده سنده عاریت ایدوکی وغائب عبد الرحمانک  
وفات ایتدیکی اصولاً ثابت اولمسیله اراضی  
قانوننامه سی احکامنه توفیقاً مزبور اسماعیل افندی به  
تسلیم واعطا ایتدیرلمسنه حکمدن عبارت  
اوله بور ایسه ده بوکی عقار و اراضی به متعلق

دعاوینک اثنای محاکمه سنده اراضی مأمورینک  
حضور به برابر اول امرده اراضی مذکوره به  
قنغی طرفک واضع الید اولدیغنک بالینه اثبات  
ایتدیرلمی قانوناً مقتضی اولدیغی حالده محکمه  
مذکوره جه مأمور مومی ایله حاضر بواندیرلماش  
اولدیغی و ذی الیدلک خصوصنک دخی بالینه  
اثبات ایتدیرلماش یولسز اولدیغی کبی غائب  
عبدالرحمانک قرق بش تاریخنده وقوع وفاتی تحقق  
ایتمسنه نظراً اول وقت دستور العمل اولان قوانین  
موضوعه احکامنه اراضی مذکوره نک مرقومک  
والده سنه انتقال ایدوب ایتیه جکی تدقیقاتنه  
کریشلمی اقتضای ایدر ایکن محکمه مذکوره جه  
بوراسندن دخی ذهول ایله اولبایده اجرای  
تحقیقات اولتمسز بن اعطای حکم و قرار اولنمی  
اصول و قانونه مغایر بولنش و معاون مومی ایله  
بورغاک افندی نک مطالعه مشروحده سی موافق  
نفس الامر کورلمش اولدیغندن اصول محاکمه  
حقوقیه قانون موقننک ایکوز قرق رنجی ماده سی  
حکمنه توفیقاً اعلام مذکور نقض ایدلمش اولمغله  
صور مشروحه دائره سنده کیفیتک یکیدن بالتدقیق  
اعلامه ربط و توثیق اولنق اوزره قونیه بدایت  
محکمه سنه اعاده سنه و اعلام خرجی اولان ایکوز  
غروشله صورت و تبلیغ خرجلی بولنان قرق  
غروشک بوز الی سکرز غروش مصارف  
محاکمه ایله برابر ایلروده حقمنز چیته جق طرفه  
رجوع ایتک اوزره اول امرده مستدعی حافظ  
علی افندی بن التمسنه فی ۲۷ ذی القعدة سنه

۱۳۰۱ تاو یخنده موقفاً قرار و یریله رک طرفینه  
تفهیم قلندی



( محکمه تمیز جزا دائره سی )

قتل قصدیه و قوعوبولان بر جرحه اشتراکک نه جهته  
وقوع بولدیغنک تصریح اولنماش و جار حلدده  
نه نوع سلاح بولدیغنک و یاره لرک قنغی سلاح  
اثرندن اولدیغنک و قتل قصدیه سلاح انداخت  
ایدلیکی نه دلالتله مستند بولدیغنک و قتلک فعله  
چقمامسنه نه کبی سبب حیولت ایدلیکنک تحققیق  
و ابضاح ایدلماشی و متهملرک شاهدلر حقنده کی  
اعتراضاتک و وکیلک بعض مدافعاتک تدقیق  
واسباب موجبہ بیانیله رد اولنماش و مجرمیت  
وتعیین مجازات قرارلنده اکثریتی تشکیل ایدنلرک  
کیملر اولدیغنک و مخالف بولنانلرک کیملر ایدوکنک  
واسباب محالته نک ندن عبارت بولدیغنک تصریح  
اولنماش قضا لری نقض حکمی موجب او اور

( خلاصه اعلام )

ازمید بدایت محکمه سی جزا دائره سنک فی ۱۴  
کانون اول سنه ۳۰۱ تاریخلی و یوز طقسان  
بر نومرولی اعلامی و اوراق متفرعه سی باش مدعی

عمومیک مأموریت علیه سندن فی ۱۴ جزای  
الخره سنه ۳۰۳ و فی ۱۰ سنه ۳۰۲ تاریخلی  
و بش نومرولی تبلیغنامه ایله محکمه تمیز جزا  
دائره سنه اعطا اولمغله مطالعه قلنش و مذکور اعلام  
مندرجاتی کدران ایدن اوچیوز سنه سی کانون  
ثانینک اون بشنجی بازار ایتدی ایشامی اطه بازاری  
قضاسنه تابع قره مان قریه سنده ساکن روم ایلی  
مهاجرلرندن فیضنک خانه سی باصیله رق کندوسیله  
زوجه سی امینه نک جرح اولنلرندن طولانی مستنطق  
قرارنامه سی اوزرینه هیئت اتیایه جه جنایتله  
اتهام اولنان قریه مذکوره ل قرق یاشنده رنجبر  
سلیمان بن عمر و برادری یکریمی یاشنده حسن  
ویکریمی درت یاشنده نجیب بن محمدک اجرا قلنان  
محاکمه علنیه ده کولش مسئله سندن طولانی  
مرقومونک جمله سی فیضینک خانه سنه کیدرک  
قتل قصدیه تشهیر سلاح و مرقوم فیضی ایله  
زوجه سی امینه جرح ایتکری اخبارات  
ودلائل ایله ثابت اولدیغندن نجیبک ثلثان  
اکثریتله و دیگرلرینک اتفاقیه مجرمیتلرینه  
و قانون جزانک بوز سکسانجی و قرق بشنجی  
ماده لرینه توفیقاً و بدایت توقیفلی اولان اوچیوز  
اوج سنه سی جزای اولیسنک التجبی کونندن  
اعتباراً بعدالتشهر کورکه قونلرینه و خرج اعلام  
ایله مصارف محاکمه اولان یک یکریمی غروشک  
تحصیلنه حکم اولنهرق تفهیم قلندیغنی شامل  
اولوب مارالذکر تبلیغنامه مقادی دخی مرقومون  
طرفلرندن و بریلان لایحه اعتراضیه ده افعال

مذکوره کندولرندن صادر اولدیغی کبی فرضاً  
وقوعی ثابت دخی اولسه فعللری محکوم به اولدقلری  
ماده قانونیه به تماس آتیه چکنه دائر اساس ماده  
حقنده سرد ایتدکلی اعتراضات محکمه نکل وجدانه  
محول امور تقدیر به دن اولوب نقض حکمی  
مستوجب کور یله مدیکی مثللو خصوص مذکورک  
جریان محاکمه سیله قانونه جهت تطبیقی حقنده  
اعتراضه محل کور یله مدیکی مشتمل بولنش اولغله  
محکمه تمیز جزا دائره سی فی ۲۲ نیشان سنه  
۳۰۲ تاریخ و ۱۸۱ نومروسيله اسباب آتیه به  
مبنی اعلام مذکوری نقض ایتشد

( فقره حکمیہ )

سائر اوراق دعوی دخی مطالعه ایله تدقیقات  
تمیزیه اجرا اولندی هر تقدیر دعوای مجبوت عنها  
حقنده مذکور از مید بدایت محکمه سنجه برهنوال  
مشروح حکم و اعلام اولنش و تبلیغنامه ده دخی  
اعتراضه محل اولدیغی کوسرتلش ایسه ده متهمین  
مرقومه نکل فاعل مشترک اولدقلری ذکر اولنوب  
حالبوکه بواشتراکت جرح فعلنده می بوخسه قتل  
قصندده می اولدیغی ایضاح اولنماش و جار حلدده  
نه نوع سلاح بولندیغی و مجروحلرک یاره لری قنغی  
سلاح اترندن اولدیغی و انداخت ایدلدیکی بیان  
اولنان سلاحلرک قتل قصدیه اولدیغی نه ایله تحقیق  
ایتدیکی و قتلک فعله چته ماسنه نه کبی سبب حیلولت  
ایلدیکی مجرمیت قرارنده ذکر اولنماش و متهملرک

شاهدلر حقنده کی اعتراضاتی و وکیلک بعض  
مدافعاتی تدقیق و اسباب موجبہ بیانی ایله رد  
اولنمیوب مبهم صورتده پکشیدرلش و مجرمیت  
وتعیین مجازات قرارنده اکثریتی تشکیل ایدنلر  
کیلدر و مخالف بولنان کیدر و اسباب مخالفتی  
ندر تصریح قلمماش اولدیغندن و بواحوال  
اسباب نقضیه دن اولوب برده اعلام مذکوره حکم  
اولنان مدتلر یازلماش ایدوکندن اصول محاکمات  
جزایه قانونک اوچیوز اون دردیجی ماده سنه  
توفیقاً ذکر اولنان اعلام نقض اولغله قانون  
دائرة سنده بالمحاکمه اکیال نقصان اولنهرق نتیجه  
حاصله به کوره کیفیت دیگر اعلامه ربط ایدلک اوزره  
اوراق مرقومه نکل محله نامه سنه و خرج تعرفه سنک  
قرقجی ماده سی موجبجه نقض اعلامی خرجی  
اولان ایکویوز غروشک استیفاسنه متفقاً قرار ویرلدی

اعزاز

بیک اوچیوز ایکی سنه سی نیسانک اون ایکنجی  
جعه ابرتسی کیجه سی اسکدارده سلطان تپه سنده  
ساکن محی الدین افندی نکل لیل خانه سی قپوسنی قیروب  
اوطه سنه بالدخول مومی ایله او یقوده ایکن

قتل قصدیه اوزرینه اوچ ال روولور انداخت  
ایتمسندن طولایی مظنون علیه اولوب الآن حال  
فرارده بولنان محل مذکور جوارنده میراخور  
محلہ سی ساکنلرندن اورته بویلی از طقنازجه  
بیوک باشلی مائیجه کوزلی بیاض بیوک چهره لی  
سیرک واز بیقی اولوب ارقه سنده دخی صاری  
عبادن پالطو و بلندده قیرمزی قوشاق بولنان  
یکرمی یاشنده او قجی باشی زاده صائم بکل  
اولوجهله فعل قتلک اجرا سنه تثبیت ایتدیکی  
حانده بد اختیارنده اولیمان اسباب مانعه حیلولتیه  
فعله چیقاره مامش اولمسندن طولایی حرکت  
واقعه سی قانون جزانک یوز سکسانجی ماده سی  
ذیلنه موافق افعال جنایه دن اولدیغنه و اصول  
محاکمات جزایه قانون موقتک باب رابعنک فصل  
ثانیسنده محرر مواد احکامنه توفیقاً و غیاباً  
در سعادت محکمه استینافیه سی جنایت قسمنده محاکمه سی  
اجرا اولنقی اوزره جنایتله اتهامنه متفقاً قرار ویرلش  
بولندیغنه مبنی متهم مرقوم هر زرده کور یلور ایسه  
طوتیلوب محکمه مذکوره حبس خانه سنه تسلیی  
لازم کله جکی بالجمله ضابطه عدلیه مأمورلر بکل  
معلومی اولق اوزره اشبو اخذ و گرفت امری  
در سعادت محکمه استینافیه سی هیئت اتهامیه سیندن  
بالتسطیر اعطا قلندی

فی ۲ رمضان سنه ۳۰۳ و فی ۲۴ مایس سنه ۳۰۲

مهر

قره طاغلی خرستولازونک بیوک چکجه قضاسنده  
قومبرغوص قریه لی مراط اوغلی قسطنطین ذمتنده  
اولان مطلوب باتنک استیفاسیچون مدیونک مقدمه  
مجبوزاً مزاد ایدلدیکی حالده ایکی بیک ایکویز الی  
غروشده قاریقه جی مانول اوزرنده تقرر ایدن  
قریه مزبوره حدودنده بقیجه یولنده یکرمی  
نومروده عتیق طقوز و جدید اوچ دونم یدی  
اولک یتش اوچ مربع ارشون اوزرنده اون بیک  
کتوک کروی ملک باغه اشبو تار یخدن اعتباراً  
اوتوز پرکون مرورینه قدر بوزده بش ضمه طالب  
اولنلرک بیوک چکجه اجرا مأمور لغنه مراجعت  
الغلی اعلان اولنور


فی ۲۶ مایس سنه ۳۰۲

-----

بیوک چکجه قضاسنده قلیقراطیه قریه لی کریاقو  
خرستونک قومبرغوص قریه لی متوفی پنا یوط  
ورته سی ذمتنده با اعلام غیابی الاجفی اولان ایکی  
بیک طقوز یوزکسور غروشک تحصیل ضمتنده  
ورثه مرقومه نکل وراثه متصرف اولدقلری  
قومبرغوص قریه سنده سلوری جاده سنده طرفلری  
صو اقتدیسی و دیتمتری عرصه سی وزقاق و یول  
ایله محدود مع عرصه بر باب دکان و مغازه ایله

صیوات موقعنده نيقوله مار يوره باغلى و كندو  
 ترلاريله محدود ايكي بيك كتوك كرومى ملك باغ  
 اشبو تاريخ اعلاندن اعتباراً اون بش كون  
 صكره تحت مزايديه قونيله جغندن ظهور ايندن  
 مشتريلك بيوك چكهمجه اجرا مأمور لغنه مراجعت  
 اينللى اعلان اولنور

في ۹ حزيران سنه ۳۰۲



دبره لى جمال بكك درس عادت بدايت محكمه سى  
 ايكنجى حقوق دائره سندن و يريلان في ۲۷  
 شباط سنه ۳۰۱ تاريخلى برقطعه اعلام موجبنجه  
 تجاردين رشيد بكه محكوم به دينى اولان مبالغك  
 تأمين استيفاسى ايچون مرهون و فروختى محكوم  
 بولنان بر عدد التون ساعتك شهر حزينانك  
 بدنجى جمع ايرتسى و طقوزنجى بازار ايرتسى  
 و اون برنجى چهار شنبه كونلرى ساعت بشدن  
 سكره قدر قيو بچيلر چارشو سنده بالمزايده فروخته  
 تشبث اولنه جغنى درس عادت مركز اجرا دائره سندن  
 اعلان اولنور

في ۳ حزيران سنه ۳۰۲



فوهار و مندوف دو يركنه قاديلىك درس عادت  
 بدايت محكمه سى ايكنجى حقوق دائره سندن  
 و يريلان و حكيمى تمير انصديق ايديلان اعلامات  
 موجبنجه عساكر بحريه ملازم لردن ابراهيم  
 ادهم افندى به مشتركا دينلرى اولان مبالغك  
 تأمين استيفاسى ايچون مرهون اولان قوم قپوده  
 قزغان سعدى محله سنده بطريقخانه زقاغنده يكرمى  
 التى نومرو ايله مرقم شايه متصرفه اولدقلى  
 تخميناً و ترتيباً بوز درت ارشون اون ايدى پرمق  
 جديد و بوز سكرسان برار شون التى پارمق عتيق عرصه  
 اوزرينه مبنى اوچ قاندى و فوقانى و تحتانى التى او طه  
 و مشتملات سائر ايله يكرمى بش ارشون جديد و قرق  
 اوچ بچق ارشون عتيق و سعتى حاوى باغچه دن  
 عبارت بولنان بر باب اخشاب خانه تمامى بوندن  
 اقدام بالمزايده ليرا بوز غروش حسابيله اون ايكي  
 بيك غر شده طالبى عهده سنده تقرر ايتمكله بوندن  
 زياده يعنى يوزده بش ضميمه طالب اولنلرك ودها  
 زياده معلومات المق استيفانلرك اوتوز بر كونه  
 قدر درس عادت مركز اجرا دائره سنده مراجعت  
 اينللى اعلان اولنور

في ۴ حزيران سنه ۳۰۲

